

方山薛先生全集

方山薛先生全集卷六十一

詩

五言律

儀部給文送南太學有感

三十年已壯，慚非鼓篋時。
曾聞進學解，重詠辟癰詩。
賈誼心空切，馮唐鬢欲絲。
清秋一擊劍，海內有誰知。

新秋

客游悲日夕，况復見秋風。
塞近寒偏早，家遥信未通。
鳴蛩依廢井，歸燕逐飛蓬。
代謝應常理，無心作送窮。

包元達招過興隆寺敘語

羨子通朝籍猶依淨土居
紆途違俗轍長日掩僧廬
十載憐知舊三秋惜別餘
重逢吾自笑毳褐尚蕭疎

旅夜

旅夜偏清寂窗含樹影疎
看雲憑去住對月悟盈虛
習靜探玄理乘閒檢道書
鄉心猶未斷歸夢遠淮徐

王汝玉宅夜飲來子禹索書扇漫贈

子猷張夜筵招集會稽仙
團扇裁明月宮羅逞少年
高歌傳白雪雅調奏朱絃
曉箭催長樂趨朝早着鞭

別徐汝佩

東海有徐生飄零薄漢京
上書猶未遇折柳苦多情

落日照短褐秋風吹敝纓江南還自樂願與爾同行
如存卷爲吳子誠賦

燕山游宦客霜露幾春秋不羨明光貴常懷故國憂
旌麾傷子建風樹泣虞丘慷慨都門別還家蚤薦羞

陛辭

玉殿星河曉衣冠響珮環領符趨海嶠待漏憶朝班
詞賦終甘拙風塵敢畏艱春明行漸遠長日望天顏
過天津吳戶部遣人護送書此附謝

海上逢吳子清燈旅夜明長風翻虎豹巨浪駭鯢鯨
有酒迎王粲無文弔屈平楊青霜霰白孤使曉鳴鉦

淮河夜泊

黃河翻濁浪銀漢迥明星燈火天涯擢風霜海上亭
篙人誼競渡津吏急揚鈴况復時聞鴈淒涼不忍聽
出郊感事答劉西川二首

海上多風雨旌旄候使車白雲誰是侶青草獨憐予
性褊耽丘壑才踈愧簿書西川憶高士淮佩勝銀魚

二

梅花迷谷口皂蓋出深林紫翠通仙路雲霞繞客心
兒寬終殿課宓子不聞琴茅屋炊煙少荒涼倚夕陰

答鄭嘉興二首

驛舍臨西水相逢鄭子真幽懷在空谷征旆尚風塵
日暮憐漂泊途窮念苦辛文翁元愛士應不爲官貧

二

游子悲岐路河梁水急流風高斷舟楫雲渺狎鳧鷗
傾蓋情如故開襟語自投獨憐分彩鷁乘月下杭州
昭慶寺值生日

空門淹寄跡白日照蒼苔僧供胡麻飯鄰攜濁酒杯
家人耽寂寞游子賦歸來弧矢生平志風塵祇自哀
圓通寺二首

數過廬山曲禪房草樹深明燈潭底現清磬月中沉

水漫猿攀澗風高鳥入林平生麋鹿性留此一開襟

二

山行憐薄暮曲磴轉岩堯月黑蒼藤路雲深白石橋
玉女芙蓉削香爐玳瑁消空餘夜話地歐訥竟誰招

東林寺二首

爲愛東林靜頻來宿虎溪草荒元亮跡蘚合遠公題
明月青松樹寒泉白石堤未須論抱甕相對自忘機

二

空門清晝來高卧掩柴荆萬壑煙霞色千林風雨聲
白雲溪澗合青草石臺平獨上文殊座幽懷憶講經

飲戴指揮宅

庾信甘蕭索將軍獨好文開圖延上客橐矢謝明君
玉斗浮玄碧金爐繞翠芸夜深彈劍舞河漢動星雲

宿九仙山

入山多暝色燈火翠微深何氏堂蕭索無諸燕陸沉
葉飛山犬吠霜落澗猿吟對鏡悲華髮應憐道士簪

別李建陽

濩落江東客蕭然海上游空名還自累衰病復何求
流水千山暮飛雲萬樹秋多情憐李賀惜別墅西頭
出分水關

崇岡限閩越二水各分流紫氣疑函谷青泥類益州
風高林葉墜霜滑石苔浮五千文未就令尹莫相求
復居小學尹汝光戶部戲贈因次韻答之

傾蓋憐知己幽懷不待論僑居人再至巢幕燕還存
賈誼甘棲濕王通愧立言因思種瓜客長日卧青門

白鹿洞與諸生夜坐

白鹿棲巖曲青衿集澗隈昔年人已去今日我還來
祠宇除蠨蛸庭階第草萊如何星月夜深樹野狐哀

自白鹿至開先蔣郡推趙工部各攜酒過訪

深松驚柱史

蔣以御史謫

幽壑見司空出郭元無約攜壺

亦偶同鄭虔來洞口王粲在山中日月真如轂桃源
幾度逢

飲靖節書院有感

憇馬柴桑里悠然懷昔賢清風一壺酒幽谷萬重泉
不羨金書券何須黃石編微官真愧我腰折未知還
靈隱菴

鳥道雲霞合縈紆白石堂慈燈通暗室畫壁隱危廊
斷澗星芝碧踈林霜葉黃纖塵飛不到寂寞晝偏長
西林寺

西林緣曲澗僧定磬聲幽涼月松龕夜清霜草徑秋

吹簫青鳥下煮石紫煙浮悟得真空界山城總自由
同王道思少叅夜過天池

積雨開新霽入山多水聲寒颼欺瘦骨朗月醒餘醒
葉落林猶暗門空火自明老僧遲使節一笑誤相迎
同張副憲夜飲王行人宅

京國三年別江頭逢楚航相攜溢浦月同醉輞川莊
寒市風沙白踈燈霜葉黃曉鐘吹客散後會是何方
張憲副出所作詩見示自題曰楚吟漫往答
之

有客洞庭至相看出楚吟應追賈誼賦似惜屈原沉

擊楫江潮落開窗夜色深天涯一晤語霜月對彈琴

弔洪司訓

隔歲淦城見俄驚旅櫬回風淒鳴鐸處雲暗講經臺
官冷誰爲恤家遙益可哀泮林啼鳥集於悒似憐才

試院夜坐

月明憐竹色獨坐挹清芬瘦骨應如鶴飢膚可卻蚊
星河秋漸轉鼓角夜初分深院無人語椒蘭空自焚

送林訓導歸廣南

潯陽孤櫂發楓葉麗秋晴君向嶺南去余從江左行
相思何日見惜別此時情瀟灑風塵外山林眼獨青

登觀易臺贈黃生

紫雲觀易處藉爾築高臺偶悟先天畫還爲後覺開
泉從山下出風向樹間來獨立香爐頂乾坤自作陪
將發豫章桂洲相公以應制集寄示短賦奉

謝

青山歸去客黃閣寄新編快覩龍雲會高歌魚藻篇
南宮思昔遇北信迨今傳獨愧迂踈質猶煩五色箋
宿趙家園

孤舟憐野泊霜月一村明燈火還家夢星辰戀闕情
飛鳥投暝色吠犬逐灘聲寂寞無相語寒蘆風漸生

鄔子驛曉發

征帆衝曙色天霽驛樓明湖上星初沒村前鴉正鳴
計程添客思開鏡動鄉情一自微名誤營營踰半生

薊溪道中

畫舫浮清水高歌自舉觴江楓移几席沙鳥度帆檣
旅况秋容淡歸心驛路長青山看不盡倚櫂到斜陽

弋揚書事

東歸秋暮客漂泊葛溪沙稚子供山藥居人售土瓜
任貽陶令酒難挽季鷹槎舊業田廬在聊因度歲華

夜泊鉛山港口

客暮聊棲止，虛舟獨倚牀。
雲開千里月，風靜一溪霜。
不寢灘逾急，幽懷漏轉長。
年來甘寂寞，猶自苦奔忙。
將發上饒，聞遷南考功之報寄諸生。

旭日山城曉披衣，上石臺白雲親舍近。
丹詔聖恩來地喜，留都舊官慚佐治。
才匡山讀書處，悵望首重回。

常山道中

匡廬三載客，漸度越中山。
松檜心如舊，星霜髮欲斑。
晨曦明遠嶠，宿霧散澄灣。
金鼓催征旆，飄飄積翠間。
蘭溪留別趙伯京

憐君玉堂士，剖竹宰蘭谿。
憶別秦淮上，重逢潁水西。

琴尊傳午漏花檻度晴霓薄暮舟仍發孤征愴鼓擊
過釣臺

不見羊裘客高臺多白雲寒深江海氣光動斗牛文
豈厭貂蟬侶偏憐鷗鷺羣清流照沙石留此滌塵氛

浙江驛下作

不渡錢塘水于今兩隔年沙鷗迎舊侶霜月照新舩
游子感行路榜人歌采蓮一尊聊自酌落木任無邊

送左教諭

余昔請教江州往來紫雲白鹿左子寔同
朝夕及余爲南考功逾年左子遷教諭虞

城過余官舍一宿別去感而贈此

尊酒秦淮月重逢左太冲虞城千里去廬嶽幾年同
聚散憐文藻漂零嘆轉蓬黃河南逝水願寄鯉魚封

十月朔謁 孝陵

鼓角星霜落嚴城候火明香煙浮玉几曙靄動霓旌
悽愴千官色追思萬國情開基三百戰今日荷昇平
袁通判赴臨江其弟永之索詩爲贈

滄江憐歲暮况復脊令飛雲盡帆檣遠天寒草樹稀
行春遊玉筍問野擷青薇廬嶽多踪跡煩君一振衣
病起值春雨不止夜坐感懷

抱病入新春孤燈聽雨頻獨憐漂泊客同作宦游人
夢醒鄉園路衣仍楚越塵家童烹苜蓿亦自樂官貧
題湯錄事楚東卷

美人多藻思家住楚江東種樹通吳會瞻星度祝融
振衣騎白鶴操翰入青宮漢世才名盛誰爲園綺公
觀紅梅

客館梅花發紅顏更可憐雲霞含曉霽水石照春妍
孤影橫珍簾清芬散綺筵南曹多整暇藉此結君緣
贈劉太學注選歸南阜劉前光祿卿毅齋之
子

北闕未上書南山歸故廬談玄探淨理作賦擬閒居
戀主新通籍思親舊佩魚歸來二三月花竹滿庭除
題趙叅政序芳亭冊

久爲青瑣客旋作紫薇郎解組歸山徑栽花繞竹房
水涵芝蕙幌霞襲芰荷裳傳語雲霄子鶴書休寄將
弔曾將軍

憶上九江道楊花逢暮春高樓君作主逆旅我爲賓
倏忽幾經歲幽明隔世人脫驂無可賻灑淚向湖濱
九月十日諸寮招飲于徐公子東園二首

幸與賢人聚邀歡淮水濟陽侯關東武太史識星文

忽度茱萸節還憐桂樹芬百年茲勝會何以答慇懃

二

攜席臨池上相看無限情知音魚出躍解意鳥飛鳴
隔水山逾秀穿林月更明何須樂游苑亦自賞心并

雨雪

歲暮雪霏霏同雲歛夕暉三農欣有望孤客悵無依
野曠瓊花散江空玉樹稀遙思殿裏應上侍臣衣
雪中養齋宗伯水南光祿二公攜觴枉過

薄暮風吹雪門停長者車大官分玉饌精膳餽銀魚
席上傳鄉語燈前論舊書淹留乘興客深愧戴逵居

同周生子垂胡生子見宿惠山月西禪院二

首

秋夜尋靈澈松間月正明
流泉緣石響落葉逐風鳴
剪燭遲僧茗焚香看佛經
同游二三子欵語慰平生

二

十年朝市客一宿贊公房
爲愛新秋月頻燒靜夜香
逍遙知淨理偃息藉禪床
雨氣朝來重俄驚白苧涼

茅鹿門過訪

憶在西湖寺相逢即故知
每傾邀月酒同聽採蓮詞
十載幾迴見三秋倏別離
憐君常念我忽復過茅茨

朱射陂將赴烏程過訪因出示近作

羨子河陽去猶煩到草廬徒行辭騎從覓路問樵漁
難盡故交語唯攜新著書淹留烹苜蓿不厭食無魚

方山薛先生全集卷六十二

詩

五言律

留別鄭九疑二首

愛子真如玉清襟逼古人操脩卑俗學著作擬先秦
好靜希相識遷居擇所親余非王翰侶幸接孟家隣

二

高士厭城居鄉村新結廬藥畦長自灌草徑没人鋤
雅志耽玄理閒情檢素書靜中應念我音信莫教踈

贈姑蘇郡博向景臯

方氏集卷之三
每說蘇湖教令人羨翼之一從師道廢三復子衿詩
墜緒君應振追修我較遲道山亭上立佇想欲垂洟
衢州道中夜行

深夜將何往幽懷難自禁冰溪乘月渡山路冒霜尋
樵火茅柴塢人家橘樹林殊鄉易成感不覺動歸心
宿上清宮

萬山噲落日一徑入玄宮犬吠雲深處鼙吟草蔓中
燒燈窺道錄乘月躡仙蹤虎印蒼苔滿依然訪赤松
送葉訓導致社

肝江淹逐客美爾挂冠回常作青山主頻登明月臺

一瓢甘棄去五柳賦歸來千載風流遠君今應作陪

夜雨

夜雨鳴簷溜鄉心轉覺深高堂垂白髮別館擁青衿
江夏思溫席河汾憶鼓琴塵緣猶未斷撫枕獨沉吟

立夏

辭家方雨雪到郡忽逾春剪葛驚初夏停杯憶遠人
階前芳草歇檻外乳鴉馴寂寂松陰下真堪卧逐臣
史沱村考功書至因及南垣諸公薦疏

天界一爲別流光忽歲餘遙思舊時署應作故人居
收召方憐汝投荒且念余開緘還自愧名忝薦賢書

得李羅村劉蘇崖書有感

舊寮能念我千里遠貽書花披牽初夢山衙悵獨居
恭承九閫命非求五斗儲君如詢近事卧起灌園蔬
廖東溪將赴南署遣使惠問答謝

山郡如空谷泠然聞足音驚回孤吏夢感激故人心
君返含香署誰同坐竹林諸寮如問及長卧碧雲岑
幽居

仲夏天漸暑幽居日更長臨牕展圖籍謝客解衣裳
林光含返照荷氣生夜涼聊爲池上酌明月已盈觴

送朱鎮山提學闈中

逢君方恨晚何忍送君行獨向長安月遙瞻百粵城
停車因采樂開幄爲傳經盡說朱夫子鷺湖辨已明
送張儀制之南光祿少卿

我愛張平子青年賦兩京燕中爭識面白下蚤知名
銀漢仙槎度瑤臺卿月明因思舊游勝未得共君行
龍津少叅省吾職方枉過草堂次韻答謝

謝事歸來日忻逢李郭舟時光春正莫山色雨初收
繫纜聊相慰開尊且共謳風流追往哲重見舞雩遊
次曾仲野爲園韻二首

獨坐渾無語日長真似年滌塵分澗水避暑息爐煙

條有南薰至時從北牖眠邯鄲今了晤夢寐更何緣

二

無心今已久城市亦玄虛聊爾依人境何須更索居
灌園唯抱甕種地任揮鋤均是忘機者誰言我不如

次韻答許石城四首

久客鍾山下青苔滿石門潛鱗驚水逝飛翼任風騫
長晝雲移席清宵月在垣曲江同燕侶舊誼幾人存

二

世路崎嶇後初心總不違窮途猶自樂直道竟誰歸
造物元無忌人言豈盡非如君偏過厚似覺近來稀

三

避寇栖淮水俄經幾度春幸逢聯騎客同作釣魚人
得意都忘物逃虛任此身平生機事少隨處可相親

四

鐘鼎元非分山林獨覺便不歌湘水曲唯擬太玄篇
任質難諧俗明心漸悟禪寓言聊自適管見敢窺天

宿郡城寓舍

寒窓風淅瀝倚枕不成眠自是山林質猶牽世路綠
家童頻寄訊道侶候談玄爲問參同契新箋第幾篇
康礪峯宗伯顧玄津寓舍以新刻并酒脯見

惠奉謝

司空金馬客，猶記曲江時。
分饌詒荒館，停車問故知。
琳瑯新著作，鐘鼎古文詞。
嗟我林栖士，披吟數解頤。

秋暮詠懷四首

小院逢秋暮，官閒早散衙。
寓言聊自適，抱璞已無華。
炊黍燒松葉，烹茶汲瀑花。
何嫌近城市，寂寞似山家。

二

獨坐誰爲侶，空庭桂樹花。
涼颼飄檻幔，清稷度窗紗。
玄覽能無滌，窮探詎有涯。
年來心似水，不逐世紛華。

三

十載通朝籍宏詞豈未諳
溫生空冀北司馬滯周南
禁近多才集寬閒僻性耽
偶來臨水照任爾髮毛鬚

四

又作秦淮客俄驚霜露零
閨情傳錦字家釀寄銀餅
池上觀魚樂齋中養性靈
清虛厭羣籍猶對太玄經

泊李陽河驛

三年趨薄宦心事竟蹉跎
無論山川險那禁風雨多
朝從貴池口暮宿李陽河
倚櫂看飛鳥飄零柰爾何
署齋夜坐寄唐應德

秦淮霜月白落葉夜堂深
聊寄城闌跡依然松檜心

頻年愁病肺終歲憶知音更惜寬閒景光風祇自吟

贈曹秀才

曹生哀其母之歿而勿傳也乞言於士人
余悲其志作詩以貽之

秋風憐子建縞帶雪霜裘未奉甘泉詔常懷畫扇憂
豐碑名筆在列傳史官收嗟我無從涕題詩寄楚丘

贈陳廣州

粵州新太守漢署舊祠郎初捧魚書墨猶凝燕寢香
遙瞻雙闕鳳近馭五仙羊合浦還珠後行看說孟嘗
雨中過吳寓菴因訪陸幼靈

夕雨思良晤閒門客到稀
臺荒青草合窗濕白雲飛
倏爾過吳節因之訪陸機
相逢論夙昔深夜竟忘歸

夕雨

夕雨淹荒旅蕭蕭獨掩門
苔深藏轍跡草長聚禽言
照水華容減瞻雲歸思繁
清燈誰與晤含語度黃昏

贈蕭蕭山因柬張生宜言

陽明門下士傾蓋越江濱
吾道元無恙斯文更有人
青燈深夜雪濁酒滿懷春
晚見張童子融衡擬卜鄰

吳祠部因卜郊牛便道還浙作此贈之

周禮崇郊社祠官戒樞衡
因之暫休沐倏爾遠徂征

祖席逢花落離亭正鳥鳴相思時極目雲繞越王城
陸東卿還自嶺南道出廣信有書見寄悵然

作此

不見士龍久于今十二年中間幾浮沒身世任推遷
嶺海人初返盱江我獨眠信州一書劄相憶共茫然

贈趙龍山

我愛龍山主風流舊子昂文章推兩漢聲律逼初唐
賣藥成都市彈琴泗水旁北窓清晝末時復夢羲黃
與謝省菴同游惠山赴王二尹席

秋深叢桂發攜伴到山中久坐雲生竹忘歸月在松

裁詩憐謝眺送酒任王弘幾動登臨興無如此度濃

獨步

郊原常獨步衣履滿青苔放鶴隨雲去觀魚逐水來
幽懷唯自適浪跡任人猜誰謂秋江冷芙蓉到處開

華由仲宅賞牡丹

暮春風景麗訪舊一徘徊顧渚茶初焙洛陽花正開
憑欄酬勝賞剪燭盡餘杯何用投吾轄明朝更復來

送胡蓮渠

永豐賢令尹安福復新除白晝鳴琴坐清宵取燭書
適情常放鶴杜意每懸魚彤柱題名久行看入直廬

夜坐

經月不出戶無懷心自空
夜蕉偏報雨秋竹易生風
世上名須避閒中道豈窮
獨居真可樂陋巷有誰同

秋日閒居

秋霽園林淨幽人獨倚牀
紫薇含宿雨青竹帶斜陽
水動魚吞藻風開燕入窻
閒中無一物何處是西方

衛教諭遷教授不赴乞致仕歸

短棹梁溪發爭看博士歸
不登新講席唯戀舊漁磯
舉世皆持祿何人肯拂衣
如君明達者應是古今稀

送唐立齋宰宜春

彤柱題名久仍分百里符自隨唯一鶴遙望見雙鳧
玉洞花如錦東湖石姓盧政餘聊玩賞尋召伏青蒲
九峯光祿園林次韻

山人營別墅谷口白雲深客過陶元亮僧逢支道林
談玄無俗侶解語有幽禽我本巖栖者應同物外心
送郡學王桂山司訓陟本省榆次教諭

頻年聽教鐸吾黨獲儒宗再見文中子重逢河上公
青衿蒙化雨絳帳滿春風此日并州去遙瞻樂育同

方山薛先生全集卷六十三

詩

七言律

夜入郡城

兩河燈火明商舶，津吏當關欲禁人。
雨過浮橋翻石瀨，霧橫高閣隱星辰。
檄傳塞北烽煙急，夢醒城陰鶴
雀羣。愧我十年猶落魄，文裘皂帽度青春。

同胡雨之伯仲登高山寺

秋雨新晴湖水發，放舟乘興過山房。
離離碧篠侵香案，裊裊青蘿護法堂。
月動一池波盡白，風含千樹葉

初黃諸君若解區中樂金谷園林可就荒

寓燕臺將歸悵然有懷

玉河流水繞瀛洲宮殿參差王氣浮
萬里青霄鳴鶴鶴九天紅日動螭虬
長楊獻賦多才子西洛旋車有敝裘
別院歌鐘傳古調不勝淒切令人愁

飲張翰林水南宅留別

太史門前車馬稀山人蕭瑟芰荷衣
煙虹近起騰華蓋風雨新晴開紫薇
文賦驚傳中省製殺羞慚與大官肥
江湖早晚東歸擢翹首空青白鶴飛

過彭城

黃河東下水如絲游子狂歌酒一卮國士不須悲楚
業英雄何事泣虞姬歌風寂寞唯塵土戲馬荒涼總
羨藜秋盡長淮歸去晚倚閭聊慰白頭思

潞河舟中同陶子沾讀白沙詩

江門夫子風流遠今日開編想獨真萬里天涯倦爲
客百年江漢見斯人皇王帝霸應何意山水煙霞別
有春同學少年相作伴詠歌如在舞雩濱

經露筋烈女祠

烈女祠前青草深斷碑猶自倚湖陰千年蘋藻憑誰
主萬古綱常祗此心降虜李陵空伏劍歸朝蔡琰愧

囊琴側身天地應難數獨對長河恨不禁

渡江二首

萬舸雲帆疾若梭江流南北盡山河乾坤物象元如舊
今古英雄空自多日月天開驚魍魎波濤風怒泣
鼉鬪浮名兩載經三渡慚愧支離發浩歌

萬里風雲接混茫氣橫蛟蜃忽蒼黃大江自古稱天塹
南服從今是帝鄉戍鼓頻年防寇盜征帆千艘急
輸將因悲祖逖中原志獨對青山霄漢長

宴蕭將軍宅贈別秦和曾子龍次鍾石翁韻

秦淮道上逢曾子細雨春燈傍客居晉室風流羨安

石漢朝詞賦見相如銀瓶共倒將軍酒琬琰人誇學
士書蚤晚石頭君且去西江能寄錦雙魚

贈蕭指揮

十載秦淮幾度過將軍真是漢蕭何籌邊欲踐關支
血愛士時勤逸少驚昭代金書光閃日清宵玉劍氣
橫河憐予潦倒江東客漫對青樽爲放歌

雞鳴山僧舍

山中二月多風雨檻外青苔欲濕衣桃李參差渾解
語煙霞飄忽自相依香爐晝靜懸蒼壁鐘磬雲深隱
翠微睡起南華成獨坐無生久已悟禪機

周生子垂下第將歸夜坐言別

歲暮相攜同北上那堪送子獨東行
風煙此日憐分袂燈火長年憶講經
春到曲江花更發夜闌客館月偏明
天涯一別三千里願續音書慰客情

送陸原仲下第南歸

弱冠江東推陸雲十年京國逐塵氛
倦遊擬著思歸賦未遇空懷頌德文
禁掖先鳴真愧我華山同學蚤知君
故園精舍聞新築此去還應續典墳

登鏡光閣

遼后梳粧空復樓鏡光高閣對沉浮
春深客况山逾

碧風靜禪堂燕故投獻賦上林珠履集鸞弓絕塞羽
書愁朱顏莫謂菱花好種髮悲秋自黑頭

殿試

袞冕臨軒曙色開鈞天廣樂動三台龍迴玉冊絲綸
制虎拜清時禮樂才花覆御筵明彩仗鳥啼宮樹度
層臺微臣自愧天人學登對應須盡草萊

雨中柬水南翰讀病起

秘書多病近如何風雨堂深覺委和鶴鶴脩翰迴几
席竹梧空翠拂星河才傾瀛海憐文藻閱徧環丘惜
錦羅莫謂子雲須後世草玄亭上幾相過

曉起

曉起庭槐曙色稀，衝星騎馬向金扉。
逐羣乳燕驚鵲，鼓牽旭游絲拂羽旂。
禁近總隨鳴珮入，旅荒猶着種瓜衣。
因思隔歲山中日，白石寒泉鎖翠微。

水南送桃李至玄寧寓舍適飲五岳宅即席
答謝

鄰家愛客遲新茗，忽復玄宮度彩箋。
紅縹星雲仙室染，冰盤桃李上林鮮。
函池路遠傳方朔，詞賦才荒愧傅玄。
長日幽棲無以報，瓊瑤空詠木瓜篇。

過天津教副憲遣使護送附謝二首

海上風高游子悲，夢回沙鶴夜飛迴。
孤城畫角寒聲急，荒寺疎鐘曙色催。
麟閣雲霄誰薦士，豸冠江漢獨憐才。
片帆已出黃河口，便向吳門望越臺。

風塵爲吏出燕山，慷慨悲歌岐路間。
村郭亂砧驚歲序，海門孤笛動鄉關。
霜飛驛岸楓逾赤，月落船窗竹盡斑。
學使臨戎元愛士，繡螯持戟護躋攀。

馮給事謫潛山並舟南下有詩索和因次韻
答之

湖海遙瞻雲漢章，月華三珥淨貪狼。
青陽桃李春城近，白露蒹葭秋水央。
楚澤且爲詞賦客，河陽誰謂簿

書忙承明咫尺心逾切五夜星辰接混茫

夜泊東昌訪包郡推元達值往高唐不過

方春北去冰初泮今日南歸已暮秋霜滿帆檣依古
驛雲開雉堞見危樓分符自擬陶元亮乘興應憐王
子猷可柰高唐羈使節不堪獨夜旅寬愁

秋懷八首

月滿空庭竹樹秋客衣新浣彩霞浮天開寰海三千
界雲合滄瀛十二樓劒戟光寒山鬼泣星河影動杞
人憂斑雞入夜憐文羽獨立危枝最上頭

清秋白晝吏人稀黃鹿銜花卧翠微琴瑟無聲鳴角

徵馬裘何意戀輕肥折腰斗米元非我抱甕園蔬又
息機獨立乾坤無一事淵雲魚鳥自潛飛

多病山人強作官退衙仍戴竹皮冠炎荒瘴檄時聞
警絕塞胡沙未卽安白霧蒙山金鼓振黃風吹海鐵
衣寒明堂正值修文日翟羽趨蹌學舞干

山城海月寶刀明淨洗妖氛人夜行玉帛會稽仍禹
甸金銀蓬島自仙營不須郢上頻歌曲還向龍門續
著經白苧露涼藤竹濕厭聞鐘鼓亂鳴更

擊筑悲歌草木黃海天雲斷鳥迴翔中原枯骨經豺
虎青塚香魂恨犬羊灑淚荆人憐白壁權歌漁父濯

滄浪古今不盡英雄慨霜露空山思渺茫

日暮風生薜荔紅草荒山石隱鳴蛩幽懷對酒惟彈
劍病骨經秋欲拄筇天祿已非文學選河陽難竟簿
書功獨憐海上寒聲急童子當空數鴈鴻

越水吳山相望長客鄉登眺轉淒涼夏王祠古蒙榛
棘勾踐臺荒走鹿麀錦字鴈行傳繡戶白雲林杪憶
高堂何年爲卜丹丘宅菊蕊椒花薦羽觴

曾入明光侍綺羅今依海月想鳴珂湘妃簾捲金波
近雲母窗寒玉露多清夜夢回丹鳳闕高秋心切白
狼河容顏衰鏡空皮骨漫憶青腸學荷戈

西湖舟中

月出西湖秋色寒芙蓉花落水迴湍枯魚夜泣霜初
降獨鳥西飛星欲殘皂帽不須張羽蓋蔬筵何異簇
雕盤織歌麗舞今安在風物令人還浪歡

將赴江州經望華亭悵然有作

平生性僻耽幽賞此日登臺望九華遙憶羽人深樹
隔不堪玉女斷雲遮松門返照浮空翠石瀑殘霓和
落花獨苦攜家未超脫終期丹竈作生涯

李陽河發舟中流颼風大作深夜始抵長楓
夾感而賦此

滿江風雨暗孤篷
舟楫顛危巨浪中
稚子牽衣問前路
篙人明火望長楓
室家相對翻成感
踪跡多岐轉
悟空明日陰晴未
須計且投蘆葉傍漁翁

題秦侍御卷秦巡江西值逆濠傷殘之後

烽火江藩草樹黃
郊原白骨委殘陽
豸冠御史乘驄
馬鐵戟將軍控紫韁
盡道風霜翻雨露
却從鷹隼見
鸞凰晚涼獨上滕王閣
秋水長天徧稻梁

校文閩中次延平公館

劍浦微茫瀚海通
公車文學盡從容
飛雲石溜蒸秋
暑過雨山城起暮虹
商調獨憐歌白雪
羽衣如聽奏

黃鐘昌狂阮籍還菁藻肯向朱門說路窮

鹿鳴燕上作

銀漢秋高海日明雲開桂樹簇朱英紫薇樓閣星辰
迥百粵山川甸服清窈窕笙歌周二雅趨蹌衿佩魯
諸生三年兩與賓興燕恍惚神游白下城

九日李御史招飲北園偕高御史陳修撰林
檢討林郎中

九日北園霜露清黃花斑竹更輕盈烏臺錦席秋容
麗太史銀魚海嶠明庾信漂零還作賦陶潛歸去已
忘情夜深歌曲多悲調燈火離離百粵城

曹仲禮江干順陳良會劉以中招飲平遠臺
平遠臺空海色寒芙蓉石壁倚闌千秋燈黃葉星河
迥夜語白雲風露溥曹植雄辭傾渤海江淹彩筆動
飛翰子昂公幹俱豪俊共醉茱萸戴鶻冠

寓九仙山陳修撰李御史攜酒乘月過訪適
豐學士訃遂徹

秋光搖落九仙宮詞客攜壺月露中天上星文傳勝
會海邊霜色慘孤衷粵臺蕪沒玄猿嘯丹室荒涼碧
篠叢山下何人夜吹角不堪淒切逐飛篷

謁考亭書院

秋深祠宇鬱青松山下流泉萬壑通日月往來元有
象海天高濶總無窮空階書帶雲光淡落照芙蓉霽
色重分席有懷今古隔每從遺跡想音容

謁鷺湖四賢祠

講堂蕪沒水雲陰瞻拜諸賢愜素心乾始坤成知易
簡川流嶽峙見高深淵源性命無同異精一工夫貫
古今自是吾人看未徹漫隨門戶各相尋

清明日過桃花嶺候童子午炊

桃花嶺下清明節零落孤臣首偕盤野鶴穿林憐玉
羽山雞照水惜文冠雲開青草猶生濕風暗垂楊苦

作寒遙憶江東丘隴上望迷煙樹轉悲酸

贈別陶克允李少虛二子

潯陽春暮蘼蕪合風起楊花攬客愁獨愛陶潛能作
賦不堪李白欲乘舟虹飛雙劍丹霄舞星落芳尊清
夜遊何日瓊臺同玩賞謾從仙侶笑藏鉤

登海天樓次尹戶部韻

楊白花風春色寒登樓逾覺芰荷單愁生巴曲歌黃
鵠思逐吳帆下碧湍噴雪波濤彭蠡合浮空島嶼洞
庭寬江陵王粲多淪落曾復中郎倒屣看

東林寺感懷

我愛東林禪榻淨
兩年江漢幾閒來
竹梧清苑誰金馬
風月空山自石臺
水漫鯨鯢漁父駭
天高鴻鴈弋人悲
無生夢醒三千界
玉樹慈燈向晚開

潯陽江上送李仁夫御史

潯陽風雨暗輕橈
玉節王官渡早潮
賦鵬卑棲憐賈誼
射蛟遺恨說票姚
虎溪書帶迎葱佩
石室星芝隱黑輜
南粵蒼鷹旋冀北
霜空萬里落鳴鵑

開先寺二首

上書闕下乞閒官
六月山中白苧單
雙劔倚空迴落日
孤龍棲壑吸飛湍
流星暗度銀河沒
瀑布高懸玉

峽寒閣說峯頭有盤石振衣還向紫霄看

羣迷大夜情何極獨對浮圖思轉空月照龍池方五色雲橫鶴嶺忽千重書臺青草憐唐煜石室丹砂訪葛洪飛鳥凌巖對虎遁蒲山風露動斯螽

東林寺二首

萬山廻合白雲深空翠淋漓竹樹陰薄暮斷猿侵客况清宵寒月照禪心步兵長嘯驚林麓宋玉悲歌墮葛襟採菊種蓮人已去星飛河轉夜光沉

霜楓萬樹倚危岑急雨飛流澗水深藻井紅蓮開十丈香爐翠黛擁千尋卑棲已解無生妙多病真空出

世心月上虎溪誰送客相攜同聽白猿吟

天池寺

路入天池谷已窮芙蓉寒水見諸峯金輪日月光華
轉丹竈煙霞紫翠重藤鼠草深酣午夢霜猿石冷嘯
秋蓬神游物外方真境始解高僧樂苦空

得唐應德書悵然有作

予方世路甘漂泊君在山中久索居隔歲不聞相笑
語經秋始得寄來書遠懷每望江東月獨樂應驅花
外車童子到前頻問訊故人肥瘠近何如

題仙人圖

衢路紅塵空拂面，仙人長日閉松關。雙鳧去後無消息，一鶴歸來任往還。細玩丹經成我癖，漫思黃石羨君閒。渴呼澗水饑餐木，何必逢人強笑顏。

立春次王遵巖見寄韻

春風兩度寓滄城，荒院幽深客思清。獨喜早梅猶未落，更憐青草漸回生。光陰有數知時節，寒燠無端任世情。南望美人廬嶽外，芙蓉開徧數峯明。

元夕自述

自分生平首藉盤，憐才明主賜閒官。尋芳屢入梅花谷，玩月常依杏樹壇。上苑笙歌猶入夢，江城燈火

自爲歡壯心未遂東歸計空憶吳門說挂冠

馮子仁謫戍雷陽服役過南昌往返皆值于

旅館賦此贈別

客路相逢晨夕歡看君又度粵溪湍枕榔日暮猿聲
急銅柱春深草色寒每望星辰金闕遠自甘雨露鐵
衣單十賢堂上多名勝幾見東風花滿闌

病寓江西試院承藩臬諸公枉過賦此奉謝
睡起燒松煮茯苓忽驚車蓋啓幽局已知方岳多高
士敢謂江湖有客星杜子著書常病肺賈生獻策久
漂零慚余懶拙成虛度何事沉疴亦未醒

病起書懷

石枕高眠溽暑消，病驅無侶任逍遙。
謾看藥火風前息，厭聽碁聲竹外敲。
白鹿煙花聊自適，青門瓜果趁誰澆。
吳山窈窕多林麓，何日歸來學採樵。

立秋日作

炎暑忽驚風雨至，輕雲藤竹晚生秋。
孤臣去國浮江漢，久客懷鄉望斗牛。
靜院草深鳴絡緯，誰家月上奏箜篌。
病軀卧起遲烹茗，燭盡疎簾未下鉤。

章江候巡按御史大風忽作感而賦此

萬壑風迴草徑迷，隔江黃竹野禽啼。
輕寒四際飛雲

合薄暮千林落葉齊逐隊聊爲城關坐逢人時拂芰
荷泥輜川別業今安在還向山中問養雞

豫章江上送羅達夫贊善北上

西山南浦對清秋曉發星槎河漢流捧詔重歸鳩鵲
觀賜衣元直鳳凰樓姬公已輔周家業賈傅常懷漢
室憂信宿忽成千里別紫雲白鹿共誰游

夜渡脩水

明火褰帷夜渡河荒郊風葉下清波寒砧星落城樓
遠征馬雲開驛嶺多吳客倦聽鸚鵡賦楚人猶唱竹
枝歌當時漫釋山中褐還向霜前着芰荷

德安道中遇陳時偕暫憇民家匆匆別去悵
然賦此

匡廬山下逢征蓋細雨黃花上客衣茅屋人家聊對
語前途旅館各歸依天涯兄弟難分袂驛路風塵且
避幃獨有潯陽今夜月猶從雲漢散餘輝

贈別紀夢得太學

憶昔同爲六館生雞鳴山寺聽春鶯五年不見君如
舊千里相逢我獨行細雨孤燈懷玉驛西風匹馬信
州城慙勤岐路難爲別但願長卿蚤策名

獨坐

流水盈門謝市紛晴窓圖籍散清芬烏蠻橋上飛春
絮長信宮前結暮雲欲擬鴻濛嗟曠世自甘玄默任
離羣倦游久負登臨約唯見城南草樹曛

初夏燕徐將軍西園題扇

夾道晴霞紅藥開雕闌珠箔隱樓臺風清虎帳將軍
卧日射鷄文學士來乳燕傍人穿舞袖落花隨水送
流杯筵前擎出青團扇不比邯鄲舊剪裁

山中訪友

曉出秦淮訪舊游清溪行盡轉林丘松門花落人希
到石竇雲開水自流獨對諸生思白鹿閒從道士問

青牛風塵無柰煙霞癖不覺空山竟日留

徐將軍宅與諸寮燕罷作

錦席高張雜綺羅 皇圖表裏舊山河旋倪盡獻降
胡舞金鼓齊調出塞歌九陌煙花明結綬六街燈火
散鳴珂謾隨玉食同歡賞不道閭閻菜色多

艾子文同年過訪秦淮寓舍因索蘇板書籍
留飲輒辭酒賦此貽之

豫章對榻春宵雨白下重逢已隔年惜別謾歌行路
曲乘閒細論養生篇家貧常負收書債俸薄寧辭沽
酒錢今日爲君須盡醉因思後會轉留連

送同年洗刑部告病歸嶺南二首

憶昔承明同獻策，君今辭疾上書歸。
片帆遙挂青山色，瘦骨應憐白苧衣。
逸興已隨江海去，清風端與市朝違。
憐予別後思踪跡，遠向羅浮自採薇。

少年司寇耽文學，長日公餘獨掩廬。
落語驚人終作癖，談玄留客每投車。
乞身南海栽靈藥，却走深山訪道書。
禁掖絲綸遲代草，明時肯許賦閒居。

送費民達歸鉛山

歲暮憐君還故國，衝霜曉發石頭城。
楊雄未獻河東賦，賈誼先馳洛下名。
握手難爲千里別，論交却憶十

年情雲霄回首親庭在願及春來聽早鶯

陳羽伯守制鄉居兩訪城中居第不遇忽爾
改歲作此貽之

隔歲不逢陳子昂城南竹樹隱山莊杜門豈是追孫
敬讀禮無煩問后倉幾扣柴荆空返騎何年石室遂
聯牀朝來漸覺梅花發好共春風過草堂

同吳定甫陳羽伯游天界寺

閒署幽棲多逸興乘春攜伴訪煙霞風高白鶴頻翻
羽日煖青松欲作花僧引壺觴開竹院人從城郭過
山家獨憐總爲塵襟縛空憶桑陰舊種瓜

張宮諭出使宗藩便道歸省寄此以將久別
之懷

玉堂畫錦春光媚孤客秦淮想獨真
一夜夢魂芳草發七年離思落花頻
君門勅使推仙侶王國開軒引
上賓綵服過門應駐節黃封持獻白頭親

曉過神樂觀同省中諸寮燕集

玄都春暮碧桃飛坐久薔薇露欲晞
倦客每思投赤紱微軀祇合着荷衣
歌翻玉樹聲逾艷樂奏雲門調
自希獨愛多才盡歡賞竹林斜日不知歸

贈孫生武舉補官

愛君年少氣麤豪指掌談兵鐵作袍耻學校書班玉
筍願爲都護破天驕黃花揮霍時驅馬青海橫行夜
佩刀不爲功名垂汗竹祇將忠赤報清朝

送戴府尹遷都御史入蜀採木

宸衷簡注出羣才鳳詔親裁五色來周室重新清廟
制蜀山應產闕宮材秦淮月向棠陰照漢沔帆從樹
裏開經畧已知君素定離筵不惜盡餘杯

諸同年會燕陳懋貞戶部于東園賦此贈別
賜燕同看上苑花分符州縣各天涯金陵偶續登瀛
會銀漢遙憐奉使槎九曲園林遲晝漏六街冠蓋散

朝衙聞君旌節催明發願盡餘杯醉落霞

送陳驗封赴廣東叅議

司封元是乘驄客遠去羊城看紫薇
蒲路秋風吹玉節橫空曉日射金
緋浮丘山下追仙侶朝漢臺前望
御衣莫謂循行勞撫字交南今幸
羽書稀

送黃以約同年北上兼東汝行太史

憶昔逢君十載前賦成同日獻甘泉
喜看天祿收劉向敢謂周南滯馬遷
霜落秦淮官權發雲開燕嶠客旌懸
黃金臺上多知己霄漢相攜未擬旋

長至齋居次座主陽峯先生韻二首

遙望玄雲聯紫極翠華鳴玉向靈壇星羅斧藻龍文
麗霜照燔柴曙色寒上國逢陽宮柳動孤臣抱影燭
花殘周南莫謂多留滯豐鎬從來並建官

鐘動留宮五夜餘明衣遷坐闔精廬金根複道應旋
轉綵仗晴空自卷舒閭闔排雲悲志壯甘泉獻賦愧
才踈宸游久協玄冥覘此日重占太史書

省中元會次陽峯先生韻

南宮鼓角會諸臣曳屣鳴珂歲事新江漢萬年逢令
節邯鄲五采獻昌辰燭花未徹金蓮夜雲葉遙瞻玉
筍春拜舞幸隨宗伯後九天閭闔仰垂紳

歲首喜晴次陽峰韻

青陽淑氣動朝元
九陌紅塵車馬喧
煙合樓臺含曉霽
雲開草樹愜春暄
纖歌麗舞公侯會
炫服明粧士女繁
最是豐亨今有象
殊方應喜盡承恩

題王克齋句曲山房圖

句曲山人本在山
乘軒偶出立朝班
空中猿鶴如聞嘯
夢裏煙霞相與還
水澗長松時自合
石門豐草晝常關
圖書化作商霖雨
晉室蘭亭未擬攀

贈夏松泉平海寇受賞二首

繡斧臨戎擁陣雲
轅門一鼓淨妖氛
風傳海上鏡歌

曲日射軍中露布文錫命光騰青瑣闥金章寵溢絳
綃紋漢廷方勒燕然石寶憲功名孰與羣

少年結客綠林叢烽火飛煙照海東玉節中丞初下
令鐵衣將士遂收功氣吞犀象雲俱黑血洗鯨鯢浪
盡紅 天子明堂聞奏凱一朝鐘鼓賜彤弓

題鐵鉞草堂贈馬孔目

鐵鉞飛劒草堂空重見傳經漢馬融寶氣暮年流玉
署文虹長日度銅龍簾開霽色苔衣濕徑繞雲根書
帶叢吹笛賦成時自玩高風真與茂陵同

謁 孝陵側望 懿文墓次翰讀黃泰泉韻

鍾陵虹霧躍龍泉紫翠盤旋徹上玄星漢靈壇金闕
杳雲封仙仗羽衣翻悲悽王屋流珠地瞻對蒼梧窆
玉天更望震宮遺劔舄慈龍松檜似當年

夏至齋居次泰泉韻

留省寬閒殿角東門廡還與舊時同雨深夜長靡蕪
綠霽色朝看木槿紅望極紫薇雙闕外夢回赤輅五
雲中楊雄未獲陪仙仗擬賦汾陰奏漢宮

陸御史宅見菊得邸報

三秋南國見黃花偏傍霜臺柱史家風動清芬浮几
席日高寒影落牕紗歸來未賦思元亮登覽何心說

孟嘉好景應須恣歡賞北門無柰奏胡笳

雨花臺次龍石許公韻

長干秋盡倚危岡六代繁華幾戰場衰草尚留蕭寺
舊斷雲空繞越臺荒遙瞻星野憑寥廓漫憶天花思
渺茫征騎催歸城闕去不勝惆悵對斜陽

徐氏園次龍石韻二首

城闕青霞護竹扉秋高霜露景熹微迴欄侵袂苔痕
濕曲澗浮觴樹影稀宿雨芙蓉開欲落寒條翡翠集
還飛習家池館風流在山簡頻年興不違

黃旗紫蓋大江濤遙憶當年玉輅臨勳閣凌煙霄漢

迥名園依洛水雲深客游幾度茱萸節物色偏驚楓
樹林獨有著書黃太史杜門未許共追尋

時黃泰
泉不至

訪徐少湖司成同登泖塔

一畝祇園萬頃湖塔懸珠樹集啼烏禪僧獨坐開金
鏡仙侶相從倒玉壺幽勝偏鄰徐穉宅登臨恍對輞
川圖憐余歸客仍留戀風水微茫夜度吳

朝見

九年再入承明殿闢寺驚猜問姓名衣帶未除江海
氣珮環猶是竹梧聲雲開闔闔天顏近日出蓬萊仙
仗明獨愧遠臣無獻納願從宣室請長纓

出崇文門貽諸友

都城一月滿衣塵旋向都門別故人博學原無青紫
念褒封聊慰白頭親未論南國爲仙吏且向滄洲寄
幻身况復潞河新水發計程歸去正鱸蓴

臨清贈別萬工部

萬蜀人

西蜀曾聞楊子雲高才不與俗人羣草玄白首無知
已獻賦青春始見君面受璽書監職貢腰懸寶劍錯
星文憐余登涉經齊魯慷慨相呼未忍分

渡口驛逢趙原實

七年秀水灘頭別萬里青源渡口逢濁酒聊爲河朔

飲狂歌不減舞雩風
蹉跎歲月看雙鬢
窈窕關山限
百戎爾我盡經淪
落後壯心曾復曩
時同

南旺夜行因思養疴未獲

長安六月東歸客
黑馬溝前夜放船
楊柳月侵湘竹
簾
芰荷風動水晶簾
未酬禹穴藏書計
却憶匡山種
杏田可柰塵途猶
寄跡滄浪空賦濯
纓篇

德慶菴中作二首

北歸避暑投荒寺
蓬戶憑雲自閉關
庭下曬書千百
卷
竹邊開屋兩三間
日移松影侵簷溜
風落藤花度
水灣
奔走頻年暫休沐
欲燒丹竈駐顏顏

寄跡禪房二十年重來松竹更堪憐少時苦遂題橋
志今日翻思面壁緣但得即栽彭澤柳何須再問鹿
門田此生自是耽丘壑不爲還山理舊編

移居

移居仍傍舊長安習懶常思賦考槃候吏散衙喧暮
雀家童除砌種春蘭年來浪跡隨鷓侶物外逃名愧
鴟冠故里草堂終覺穩瞻雲時復一憑欄

送宗人吳經歷

秦淮春暮拜徵書遙指星辰上玉除奕世省郎新錫
馬先朝學士舊懸魚即從內苑尋靈草好向西京賦

子虛太史周南聊載筆看君慷慨赴公車

勅封志感

金書玉冊出明廷閃爍龍文耀紫清北極遙瞻華蓋
座南州常見老人星十年抱璞方成玉三世栽松始
結苓獨恨萱花凋落久銜恩不覺淚珠零

得馬谿田書悵然有懷

征夫昨向三秦至爲報關西已索居阮緒自披高隱
傳嵇康未著絕交書觀松掃石頻移酒種藥分泉每
荷鋤函谷仙踪遙在望凌風欲駕紫雲車

募兵北上次王職方韻

少年俠客盡登庸慷慨爭先欲立功
燕翼屢騰邊警急秦淮驚覩毳衣紅
南中弓影隨西月江左撓歌向北風
况復朶顏時竊發更須飛輓備遼東

寄唐荆川

村莊流水漸成渠藉草牽蘿自結廬
盡說幽人時引鹿誰知學士屢焚魚
獨行豈願稱遺逸高卧聊將適起居
猶恨治安曾獻策西京傳誦賈生書

同省中諸僚游鳳臺園

游賞唯應傲吏同尋常談笑謝王公
往來不問園亭主懶慢仍嫌姓字通
旋煮葵蔬時共飲那知花竹幾

多叢獨憐李白詩猶在日暮高歌翠靄中

同省中諸僚游徐氏東園因索酒於王戶部
將軍臺榭倚城闌仙侶相攜往復頻不爲好游耽野
服聊因避俗解朝紳桂經舊雨花仍發菊近重陽色
始新元亮莫憂孤酒興王弘今已住東鄰

水南學士邀余同王相山駕部賞菊有作見
貽次韻奉答二首

九齡元是瀛洲客仙苑秋深菊滿籬不逐羣芳矜冶
色偏從三徑發幽姿清霜着葉翻增勝明月盈觴若
預期更喜忘年非邂逅長安十載故相知

玉堂秋夜開清讌城闕幽深漏每遲
白下聊依閒省署禁中仍戀舊恩私
青藜本是金蓮燭紅菊分栽上苑枝
况值朝川詞客在更闌猶罄賞花卮

水南以余獨居數邀賞菊短賦奉謝兼致慰

私

官閒長日杜門居學士憐才屢致書
蚤歲西京誇羽獵暮秋南國寄蘆開
尊對月餐黃菊露坐瞻星戀赤除
東閣延英方次第肯教彈鋏歎無魚

春雨寄唐荆川

秦淮客舍春逾半青草庭中細雨飛
久坐轉思人愈

遠獨居翻苦影相依閒門自是行人少上士還須知
者希童冠交游俱老大幾番歡聚幾番違

清明日得北原太宰書適水南學士過訪

宦游幾度清明節不似今年更索居花外游人爭逐
馬柳邊學士獨停車將歸東海尋靈藥未下中山賜
謗書滿地江湖俱自得生涯何必問田廬

天界僧果斌往年曾訪余白鹿洞適游天界

相遇感贈

我昔幽栖白鹿山君曾遠扣紫雲關逃名甘老煙霞
境混俗猶來塵世間城市鬧中誰解靜官司忙裏自

能閒到頭不負平生約何必金丹強駐顏

周子垂過訪鍾陵官舍將歸贈別

與君一別再經年忽得逢君轉自憐看破浮生真幻
化悟來實學近枯禪庭前趁雨聊分菊池上疏泉謾
種蓮春暮正堪同玩賞何須策馬又東旋

春深

春深寂寞掩空廬落盡山花景自如坐石看雲消永
晝臨池照水適幽居閒情祇合逍遙卧懶性那堪考
課書只爲家貧資薄祿眼前人事未全除

幽居

借得幽居半畝山，更憐池水隔塵寰。
草深逐日眠松下，花落移時坐竹間。
隨意圖書常不卷，適情魚鳥自相關。
衆人少解區中樂，將謂居官苦未閒。

送王相山督學湖南相山蜀人由南部往任
長江春暮碧涵空，學使仙帆向楚中。
道範即看周茂叔，文虹先映祝融峰。
路從鍾阜荆襄會，水發岷峨漢沔通。
近世支流多曲徑，煩君此去闡洪濛。

得邸報見桂御史論劾

北闕俄傳御史書，南中人士盡知余。
正耽丘壑思歸去，猶荷絲綸聽調除報。
主有心多疾病進身無夢。

任迂愚何時得遂平生願卧起滄浪獨釣魚

移寓天界寺

暑月叢林轉覺涼
謾移枕簟卧繩床
依人野鹿穿苔
析解語山禽度
畫梁流水禪心
俱自得浮雲世
事總相忘年來
已悟無生理悔
却從前苦着忙

臺諫部寺諸公以余移寓天界分日載酒枉

過

山居無事晝偏長
幽壑生風草樹涼
獨客忘歸因避
暑羣公惜別每
攜觴解衣常挂
松梢上更席時
依殿角旁園是
馮誰吾事畢不
妨一醉卧斜陽

許石城將赴武林枉過草堂

憶音相隨賦子虛十年同領謫官書霜林蕭索迳征
馬雲路崎嶇解佩魚濁酒不嫌留故舊短策真欲混
樵漁知君此去多幽興應傍孤山且結廬

送桂洲閣老赴召北上

時適有建昌之謫

相公車從出山來天際輕陰若爲開洛邑再瞻周旦
業長沙何惜賈生才單于北隴真堪繫赤子中原更
可哀慚愧十年門下士有懷無補卧蒿萊

唐荆川攜觴邀遊天寧寺次韻四首

塵外樓臺次第登不勞清供費山僧霜前朱柿逢秋

滴水上青蘋向午蒸客倦欲依林石卧心閑猶厭野
雲騰治安豈是長沙傳譴謫于今愧亦曾

十年朝市逐人登今日相看白塔僧石鼎香消紅火
活竹爐茶沸翠雲蒸雨花蒲座蒲團靜過羽飛空錫
杖騰可笑黃梁炊未熟不知塵夢醒來曾

世路年來覺懶登叩關終日訪高僧晡時宿霧將收
歛冬月恒暘尚鬱蒸因謝紛華能妙悟不緣降伏制
奔騰利名海濶多沉溺末路回頭又幾曾

香臺拉伴喜同登自信吾儕有髮僧蘿薜任穿安用
補蕪菁生啖不須蒸忙中常覺心苗淨夢裏原無意

馬騰盡說機關應解脫直從叅透有誰曾

司封李羅村殷白野以舊俸見貽答謝

孤臣去國已經秋尚憶當年省署幽吏散每依青竹
坐官閒時爲白雲留長沙自負君恩重漆室空懷世
道憂鮑叔獨能知敬仲稽梁猶爲野人謀